

GWEINIDOGION Y DU SY'N GWEITHREDU MEWN MEYSYDD DATGANOLEDIG**205 - Rheoliadau Anifeiliaid, Iechyd Anifeiliaid Dyfrol, Rhywogaethau Estron Ymledol, Deunydd a Hadau Lluosogi Planhigion (Diwygio) (Ymadael yr UE) 2020***Dyddiad gosod yn Senedd y DU: 2 Tachwedd 2020***Sifftio**

Yn destun sifftio yn Senedd y DU?

Ydy

Gweithdrefn:

Negyddol arfaethedig

Dyddiad trafod gan Bwyllgor Offerynnau Statudol Ewropeaidd Tŷ'r Cyffredin

Anhysbys

Dyddiad trafod gan Bwyllgor Craffu ar Is-ddeddfwriaeth Tŷ'r Arglwyddi

Wythnos yn dechrau 16 Tachwedd 2020

Dyddiad y daw'r cyfnod sifftio i ben yn Senedd y DU

19 Tachwedd 2020

Memorandwm Cydsyniad Offeryn Statudol o dan Reol Sefydlog 30A (oherwydd eu bod yn diwygio deddfwriaeth sylfaenol)

Dim angen

Gweithdrefn graffu

Canlyniad y broses sifftio

Anhysbys

Gweithdrefn

Negyddol neu Gadarnhaol

Dyddiad trafod gan y Cydbwyllgor ar Offerynnau Statudol

Anhysbys

Dyddiad trafod gan Bwyllgor Offerynnau Statudol Tŷ'r Cyffredin

Anhysbys

Dyddiad trafod gan Bwyllgor Craffu ar Is-ddeddfwriaeth Tŷ'r Arglwyddi

17/11/2020

Cefndir

Bwriedir i'r Rheoliadau hyn gael eu gwneud gan Lywodraeth y DU yn unol ag adran 8(1) o Ddeddf yr Undeb Ewropeaidd (Ymadael) 2018 ("y Ddeddf Ymadael"), a pharagraff 21 o Atodlen 7 iddi.

Crynodeb

Mae'r Ddeddf Ymadael yn cadw cyfraith ddomestig sy'n deillio o'r UE ac yn ymgorffori cyfraith uniongyrchol berthnasol yr UE i gyfraith ddomestig ar ddiwedd y Cyfnod pontio ("cyfraith yr UE a ddargedwir"). Pe na bai cyfraith yr UE a ddargedwir yn cael ei diwygio, ni fyddai'n gweithredu'n gywir. Diben yr offeryn hwn yw sicrhau bod deddfwriaeth sy'n ymwneud ag iechyd anifeiliaid dyfrol, rhywogaethau estron ymledol, deunydd a hadau lluosogi planhigion yn parhau i fod yn weithredol yn dilyn y Cytundeb Ymadael, y Protocol ar Iwerddon/Gogledd Iwerddon ("y Protocol"), a diweddariadau diweddar i gyfraith yr UE.

Mae'r rheoliadau a chyfraith uniongyrchol berthnasol yr UE a ddiwygiwyd gan yr offeryn hwn yn ymwneud â'r meysydd polisi a ganlyn: Adnabod ceffylau; TSE a sgil-gynhyrchion anifeiliaid; adnabod da byw; iechyd anifeiliaid dyfrol; clefydau anifeiliaid egsotig; amrywogaethau planhigion a marchnata hadau a deunydd planhigion arall; teithio gan anifeiliaid; bridio anifeiliaid; a chynhyrchion morloi. Mae'r gyfraith ddiwygiedig yn

cynnwys Offerynnau Statudol blaenorol sy'n gysylltiedig ag ymadael â'r UE, a wnaed yn 2018 a 2019 i baratoi ar gyfer ymadael â'r UE.

Mae'r rhestr lawn o'r ddeddfwriaeth a ddiwygiwyd gan y Rheoliadau hyn wedi'i nodi yn Natganiad Llywodraeth Cymru (yn ddibynnol ar sylwadau a wneir isod), ac mae wedi'i chynnwys yn Atodiad 2 o Femorandwm Esboniadol Llywodraeth y DU.

Datganiad gan Lywodraeth Cymru

Mae'r Cynghorwyr Cyfreithiol yn gwneud y sylwadau canlynol mewn perthynas â datganiad Llywodraeth Cymru dyddiedig 11 Tachwedd 2020 ynghylch effaith y Rheoliadau hyn:

1. Mae'r Cynghorwyr Cyfreithiol yn nodi bod y paragraff olaf ond un yn natganiad ysgrifenedig Llywodraeth Cymru yn rhoi linc i'r rheoliadau anghywir. Mae'r linc yn y datganiad ysgrifenedig yn mynd i Reoliadau Iechyd Anifeiliaid Dyfrol a Rhywogaethau Estron mewn Dyframaeth, Anifeiliaid, a Marchnata Hadau, Planhigion a Deunyddiau Lluosogi (Swyddogaethau Deddfwriaethol a Darpariaethau Amrywiol) (Diwygio) (Ymadael â'r UE) 2020, yn hytrach na'r Rheoliadau hyn.
2. Mae'r Cynghorwyr Cyfreithiol yn nodi nad yw datganiad ysgrifenedig Llywodraeth Cymru yn cyfeirio at ddau gyfeiriad a wnaed ym Memorandwm Esboniadol Llywodraeth y DU at ddeddfwriaeth a ddiwygir gan y Rheoliadau hyn. Nid yw'n eglur pam na chyfeirir at y ddeddfwriaeth ganlynol:
 - Rheoliad Gweithredu'r Comisiwn (UE) Rhif 577/2013 ar y dogfennau adnabod enghreifftiol ar gyfer symud cŵn, cathod a ffuredau yn anfasnachol, sefydlu rhestrau o diriogaethau a thrydydd gwledydd a fformat, cynllun a gofynion iaith y datganiadau sy'n tystio o ran cydymffurfio â rhai amodau y darperir ar eu cyfer yn Rheoliad (UE) Rhif 576/2013 o Senedd Ewrop a'r Cyngor; a
 - Gorchymyn Rhywogaethau Goresgynnol Estron (Gorfodi a Thrwyddedu) 2019 (O.S. 2019/527).
3. Nid yw datganiad Llywodraeth Cymru yn nodi pa rai o bwerau deddfwriaethol y Senedd na pha rai o bwerau gweithredol Gweinidogion Cymru y mae'r offeryn hwn yn effeithio arnynt. Nodir bod y datganiad yn darparu'r canlynol:

“Mae gan swyddogaethau a drosglwyddwyd fel eu bod yn arferadwy gan yr Ysgrifennydd Gwladol yn amodol ar gydsyniad Gweinidogion Cymru y potensial i gynnwys y gofyniad i ymgynghori â Llywodraeth y DU o dan Atodlen 7B i Ddeddf Llywodraeth Cymru 2006 pe bai Bil Senedd yn y dyfodol yn ceisio dileu neu addasu'r swyddogaethau hynny. Mae gan y swyddogaethau cydamserol a geir yn y Rheoliadau y potensial i gynnwys y gofynion cydsyniad yn Atodlen 7B i Ddeddf Llywodraeth Cymru 2006 ac, fel y cyfryw, maent yn cyfyngu o bosibl ar gymhwysedd y Senedd yn y dyfodol.”

Mae'r Cyngorwyr Cyfreithiol yn argymhell y dylid gofyn am eglurhad ynghylch pa bwerau datganoledig yr effeithir arnynt; ac y dylid gofyn am wybodaeth a diweddariadau pellach o ran cynnydd y trafodaethau gydag Ysgrifennydd Gwladol Cymru mewn perthynas â'r Gorchymyn adran 109 y cyfeirir ato uchod.

Cytundeb Rhynglywodraethol ar Fil yr Undeb Ewropeaidd (Ymadael)

Mae'r crynodeb uchod a chynnwys y Memorandwm Esboniadol i'r Rheoliadau hyn yn cadarnhau eu heffaith.

Gan ei bod yn aneglur o ddatganiad Llywodraeth Cymru, dyddiedig 11 Tachwedd 2020, beth fydd effaith bosibl y Rheoliadau ar gymhwysedd deddfwriaethol y Senedd a/neu gymhwysedd gweithredol Gweinidogion Cymru, nid yw'r Cyngorwyr Cyfreithiol wedi gallu asesu a oes unrhyw faterion arwyddocaol yn codi o dan baragraff 8 o'r Memorandwm ar Fil yr Undeb Ewropeaidd (Ymadael) a Sefydlu Fframweithiau Cyffredin mewn perthynas â'r Rheoliadau hyn.